

光緒山西通志

秩祀略上

略四之一

山西通志第七十一

賜進士出身頭品頂戴兵部侍郎兼祭院右副都御史巡撫山西提督軍務張煦奉旨監修

地志之書祠廟始於班掾其後魏收書遞相規仿綴錄最夥然皆意主推表山川藉別地望故雖汾隍后土之祀代都郊天之壇當時議禮稱爲鉅典者胥在所略自圖經繁興憲徵靈異廟記神錄淆列於篇方乘相沿例有專志大都詳地蹟而略典禮雖體裁所限亦由生非明備之朝無得而述也國家崇報之文考議周至明禋肇薦羣神咸秩凡直省祀事無不領於祠官祭期歲由部頒會典通禮諸書辨等明儀昭著始末有司奉循維謹周官所謂以吉禮事邦國之鬼神示者於茲備矣謹依次採輯以大祀中祀羣祀爲別其地方專

祠鄉俗舊社合於令典者皆從附見功德在民有舉莫廢也
寺觀之屬類皆建自前代準以圖經祠宇宜列古蹟至於上
丁釋奠典學所先肄禮習樂事殊祈報別詳於學制篇從所
重也亦文獻通考例也

大祀 中祀

社稷壇在城北社右稷左異位同壇歲以春秋仲月上戊日
致祭府廳州縣同

會典壇制橫縱胥廣二丈五尺高二尺一寸階各三級線
以周垣四門紅油其石主長二尺五寸方一尺瘞於壇南
正中去壇二尺五寸只露圓尖神牌二以木爲之高二尺
四寸寬六寸座高五寸寬九寸五分朱漆青字

通禮直省府州縣各建社稷皆社右稷左異位同壇歲以

春秋仲月上戊日致祭省會以總督若巡撫一人主之有
故則布政使攝事在城文武官縣丞千總以上咸與祭既
割牲省盞盛以道員等官糾儀以教授訓導司香司帛司
爵司祝司饌以丞倅通贊引贊引班以學弟子員媪禮儀
者充之前期主祭官暨陪祭執事官各於公廡致齋三日
掃除壇壝內外祭之前夕掌饌潔備品物置案於神廚設
香燭既割牲官公服詣案前上香行三叩禮畢宰人牽牲
告牖遂割牲以豆取毛血瘞於坎及祭之日雞初鳴執事
人入設案一於壇上正中北向陳釗二實和羹簋二實稻
梁簋二實黍稷籩四實形鹽棗栗鹿脯豆四實菁菹鹿醢
芹菹兔醢若不能備各就土所有以其類充案前設俎陳
羊一豕一又前設香案一陳祝文

祝版白紙黃緣
蠶書中祀並同香盤鏞

鏡左設一案東向陳篚一實帛二尊一爵六又設福胙於尊爵之次司祝一人司香帛二人位案西東面階下之東設洗當階爲主祭官拜位其後爲陪祭官拜位文東武西各按班次通贊二人位階下左右糾儀官二人分位陪祭官左右均東西面漏未盡主祭官及陪祭官朝服畢集壇外引贊二人引省盞官入壇徧眡牲器酒齊饌者告潔退左右引班二人引陪祭官入東西序立東班西面西班東面引贊二人引主祭官入至階下盥手通贊贊執事者各司其事贊就位引贊引主祭官引班引陪祭官咸就拜位立贊迎神引主祭官升詣香案前跪司香跪奉香主祭官三上香興贊復位引主祭官降階復位立贊跪叩興主祭官暨陪祭官行三跪九叩禮贊初獻引主祭官升詣神位

前跪司帛跪奉篚主祭官受篚恭獻仍授司帛興奠於案
司爵跪奉爵主祭官受爵恭獻仍授司爵興分詣社稷位
前各奠正中皆退贊讀祝引主祭官詣香案前跪陪祭官
皆跪司祝三叩興奉祝文跪於右讀曰維某年月日某官
某致祭於社稷之神曰惟神奠安九土粒食萬邦分五色
以表封圻育三農而蕃稼穡恭承守土肅展明禋時屆仲
秋敬修祀典庶九九松栢鞏磐石於無疆翼翼黍苗佐神
倉於不匱尚饗讀畢三叩興以祝文復於案退贊叩興主
祭官暨陪祭官三叩興贊復位引主祭官降階復位立贊
亞獻引主祭官升詣神位前獻爵於左贊終獻獻爵於右
均如初獻儀贊賜福胙引主祭官升詣香案前跪司爵跪
進福酒於右主祭官受爵拱舉司爵接爵興司饌跪進豆

肉於左主祭官受豆拱舉司饌接豆興各退贊叩興主祭
官三叩興贊復位引主祭官復位立贊送神贊跪叩興主
祭官暨陪祭官行三跪九叩禮贊徹饌執事官徹饌贊
祝帛執事者奉祝次香次帛次饌詣瘞所禮畢各退 監
司分駐各府者各主其地社稷之祭其他府州縣皆以長
官主之長官有故則佐貳以次攝在城文官丞史武官把
總皆與祭祇割牲省盞盛府州以佐貳縣以丞若史各一
人糾儀府以教授訓導州以學正訓導縣以教諭訓導其
執事均用掾史贊相禮儀均於學弟子員內選充祭期牲
帛器數及行禮儀節均與省會同

舊通志考祭法昔厯山氏之有天下也其子曰農能殖
百穀夏之衰也周棄繼之故祀以爲稷家語孔子曰古

之平治水土及播殖百穀者眾矣惟句龍兼於社而棄
爲稷神易代奉之無敢益者明不可與等云左傳蔡墨
曰稷田正也有烈氏之子曰柱爲稷自夏以上祀之周
棄亦爲稷自商以來祀之賈逵鄭康成皆云烈山炎帝
之號杜預注烈山氏神農世諸侯按帝王世紀神農本
起烈山然則初封烈山後爲天子猶帝堯初爲唐侯然
也魯語其子曰柱祭法其子曰農者劉炫云蓋柱是名
其官曰農猶呼周棄爲稷禮疏湯旣勝夏廢柱而以稷
代之 漢郊祀志或言曰周興而邑立后稷之祠至今
血食天下於是高祖制詔御史其令天下立靈星祠
漢元始中太師光大司徒官羲和歆等八十一人議漢
興禮儀稍定已有官社未立官稷遂於官社後立官稷

以夏禹配食官社后稷配食官稷種穀樹師古曰穀
樹楮樹也其子類稷故於稷種 後漢禮儀志郡縣置
社稷太守令長侍祠牲用羊豕惟州所治有社無稷以
其使官古者師行有載社主不載稷也 宋志以春秋
二仲及臘月祭太社太稷爲大祀其州縣祭社稷如小
祀春秋二祭刺史縣令初獻上佐縣丞亞獻州博士縣
簿尉終獻牲用少牢元豐中令州縣社主用石元祐中
又下祭服制度於郡縣

右大祀

先農壇在城東歲以仲春亥日致祭或以季春祭畢行耕藉
禮府廳州縣同

會典雍正四年通行直省照九卿所耕藉田四畝九分之

數設立先農壇於雍正五年爲始每歲仲春亥日督撫府尹及州縣衙所等官率所屬之員耆老農夫恭祭先農神照九卿耕藉之例行九推禮經費俱令動支正項錢糧其所用數目各該地方官報明戶部查核藉田所收之米粟敬謹收藏以供各該處祭祀之乘盛十三年七月奉文同城武職等一併行禮壇制同社稷神牌朱漆金字

通禮先農壇歲以仲春亥日致祭

或用季春

省會以總督若巡

撫一人主之有故而布政使以次攝陪祀文武官及各執事人均如祭社稷之禮先二日主祭陪祭執事各官致齋公所埽除壇上下祭日雞初鳴執事人入設先農神案於壇正中南向陳鉶一簋二簋二籩豆各四案前設俎陳羊一豕一又前設香案一陳祝文香盤鑪鐙左設一案東向

陳帛一尊一爵三陳福酒胙肉於尊爵之次設洗於階下
之東質明引班引陪祭官入引贊引主祭官入通贊贊執
事者各司其事贊就位引主祭官至階下盥手就拜位立
陪祭官按班就東西拜位立均北面迎神上香讀祝行三
獻禮祝辭曰維某年月日某官某致祭於先農之神前曰
惟神肇興稼穡立我烝民頌思文之德克配彼天念率育
之功陳常時夏茲當東作咸服先疇洪惟九五之尊歲舉
三推之典恭膺守工敢忘勞民謹奉彝章聿修祀事惟願
五風十雨嘉祥恆沐神庥庶幾九穗雙歧上瑞類書大有
尚饗餘儀與祭社稷同祭畢率屬行耕藉禮府州縣歲祭
先農主祭官陪祭官暨各執事並同社稷祭期牲帛器數
行禮儀節與省會同

通禮有事先農之日省會總督若巡撫率在城文官耕藉是日首縣知縣眠土宜備穀種青箱朱鞭耒服耜鋤牛及他農器耕器豫陳耕所耆老率農夫披蓑戴笠俟於田間通贊學弟子員分立田首又向闕張畫屏設香案一南向通贊立香案之南引班教諭訓導立通贊之南皆東西面致祭先農如禮祭畢各官易蟒袍詣藉田通贊贊行耕藉禮督撫以下就耕所執事者授耒耜與鞭皆右秉耒左執鞭進耕督撫以府佐貳官一人執種箱一人播種布政使按察使以首領官執箱播種各道以州縣佐貳官執箱播種知府知縣以丞史執箱播種皆耆老一人牽牛農夫二人扶犁各九推九返畢釋鞭耒以次序立田首西面北上農夫遂終畝告畢事各官補服望闕立通贊贊齊班

引班分引督撫以下至香案前按班序立重行北面耆老農夫稍遠列行北面隨立贊跪叩興行三跪九叩禮興各退 若府不附省州縣衛不附府者正官率佐貳丞史耕藉各以耆老二人執箱播種餘儀與省會同

舊通志考衛宏漢儀春始東耕於藉田引詩先農則神農也 賀循藉田儀漢耕日以太牢祭先農於田所

薛綜注二京賦田在國之辰地 月令郡國守相皆勸民始耕如儀諸行出入皆鳴鐘皆作樂其有災眚有他故若請雨止雨皆不鳴鐘不作樂 後漢縣邑常以乙未日祠先農於乙地 魏秦靜議風伯雨師靈星先農社稷爲國六神 唐韋叔夏張齊賢等奏經無先農禮王自爲立社曰王社先儒以爲在藉田也永徽中猶曰

藉田垂拱後乃爲先農然則先農與社一神今先農請
改曰帝社壇以合古王社之義其祭准令以孟令吉亥
祀后土以勾龍氏配於是爲帝社壇又立帝稷壇於西
如太社太稷而壇不設方色以異於太社開元十九年
停帝稷而祀神農氏於壇上以后稷配 宋雍熙中用
大祀制景德四年以制太常禮院孫奭言改用上辛後
亥日

神祇壇在城南祀雲雨風雷山川城隍之神府廳州縣並以
春秋仲月上戊日致祭又孟夏後諏吉雩祭遇旱亦雩於壇
通禮直省府州縣歲春秋仲月諏吉致祭在城文武各官
皆與省會以總督若巡撫主之若有故以布政使攝致祭
之禮設案一於壇正中南向雲雨風雷神位居中境內山

川神位左城隍神位右案陳劔一簠二簋二籩豆各四案
前設俎陳羊一豕一又前設香案一陳祝文香盤鑪鐙西
設一案陳帛七尊一爵二十有一福酒胙肉陳於尊俎之
次祭祀儀節祀官暨執事者序立並如社稷壇儀祭日有
司供具執事人豫入序立引班引陪祭官入引贊引主祭
官入通贊贊執事者各司其事贊就位引主祭官至階下
盥手就拜位立陪祭官接班就東西拜位立均北面迎神
上香讀祝行三獻禮祝辭曰維某年月日某官某致祭於
雲雨風雷山川城隍之神曰惟神贊襄天澤福佑蒼黎佐
靈化以流形生成永賴乘氣機而鼓盪溫肅攸宜磅礴高
深長保安貞之吉憑依鞏固寶資捍禦之功幸民俗之殷
盈仰神明之庇護恭修歲祀正值良辰敬潔豆籩祇陳牲

幣尚饗餘儀節與祭社稷同 歲孟夏後諷吉雩祭陳設

儀節同前若間不雨及潦諷宜祀之辰具祝文隨時撰擬備牲

牢籩豆香帛尊爵鎗鐙守土大吏率屬素服虔禱為民請

命行禮儀節與常祀同既應而報陳設供具朝服行報祀

禮儀節均與祈祀同其各府州縣歲春秋諷吉致祭神祇

壇主祭官陪祭官暨各執事並同社稷牲帛祝號陳設器

數及行禮儀節與省會同雩若祈若報並如省會之禮

通典直省州縣所有藉田中皆設有壇祀應於孟夏擇日

行常雩禮或有亢旱亦每七日先祭界內山川次祭社稷

致齋虔禱雨澤但不得用大雩之禮其或淫潦為災則伐

鼓用牲禁祭城門以祈晴霽乾隆七年御史徐以升請立雩壇行雩祭禮並請祈求晴

霽亦於雩壇致禱下禮部議以久雨祈晴前代皆無禁祭雩壇之禮請仿古制祭國門仍不止則伐鼓用牲於社

今直省遵制行之尋以神位字樣為請禮部
議令間行禁祭則書城門之神得旨允行

舊通志考周禮大宗伯以禋燎祀風師雨師 漢志雍

有二十八宿風伯雨師四海之屬百有餘廟師古曰風

伯飛廉也雨師屏翳也一曰屏號而說者乃謂風伯箕

星也雨師畢星也此志既言二十八宿又有風伯雨師

則知非箕畢也 後漢縣邑常以丙戌日祀風伯於戌

地以己丑日祀雨師於丑地用羊豕 唐制諸郡置風

伯壇於社稷東雨師壇於西各稍北數十步祀用羊一

簋豆各八簠籩各二 宋咸平二年旱詔有司祀雷師

雨師大中祥符初詔惟邊地要劇者通制致祭餘皆長

吏親享熙甯中有司請兆風師於西郊祀以立春後丑

日兆雨師於北郊祀以立夏後申日仍依熙甯舊儀以

雷師從雨師之位又請用柏柴升煙以歆神又請用樂制樂章以爲降神之節

女禍氏陵寢在趙城縣東八里定制遇大典先期遣官告祭春秋仲月守土官致祭

通禮直省所在帝王陵寢有

大慶典遣官分詣致祭豫期有司諷吉日禮部疏列闕部院寺文職二品以下四品以上官銜名侯旨分遣承祭將遣官

皇帝散齋一日遣官各齋於次太常寺具禮神香制帛色祝

文翰林院隨送禮部禮部祠祭司官各加封題翼日黎明

遣官公服會於禮部太常寺官設黃案於中和殿正中

一左右各一均南向鑿儀衛設龍亭一於禮部堂上正中

設香亭一於龍亭前祠祭司官恭奉祝文香帛設龍亭內
校尉昇亭行導以御仗香亭在前龍亭在後進 大清門
中門至 午門前亭止禮部祠祭司官公服詣龍亭前跪
三叩恭奉祝文香帛由 午門左門 昭德門至 中和
殿由中門入陳祭文於正中黃案陳帛左案陳香右案畢
跪叩如初奉時由殿左門出退立階下直班記注官四人
序立於殿西檐下導引太常寺卿二人序立於殿北門外
禮部尚書侍郎各一人分列殿東西檐之次侍儀又侍郎
一人率欽天監博士詣 乾清門奏時
皇帝御裘服乘輿出宮導從扈衛如常儀至 中和殿北階
上降輿太常寺卿導引

御中和殿詣案前北向徧閱祝文香帛畢還宮禮部祠祭司

官奉祝文香帛出 午門設龍亭內如來儀所司徹案校
尉昇亭出禮部尙書侍郎從至禮部陳於堂上正中遣官
及齋送香帛筆帖式以次序立於堂左禮部尙書一人於
亭左立祠祭司官詣亭前跪三叩以次奉祝帛香投尙書
轉授遣官遣官跪受興授筆帖式依序由中門出若非
親聞太常寺具禮神香祝制帛送禮部各加封題禮部尙書
率執事官尉暨遣官散齋一日至日黎明咸公服畢會禮
部祠祭司官設三案於堂上正中奉祝文設於中案陳香
左案陳帛右案訖退立案前左右贊事禮部尙書一人敬
謹周祗訖以次分授遣官如前儀遣官至所祭地守土官
豫日供具備執事人祗割牲瘞毛血如儀祭日陳設遣官
行禮儀節與

時巡遣官祭告禮同 輦蹕所經有古昔帝王陵寢在三十

里內者遣官一人祇告豫期太常寺官具祝文翰林院隨時撰擬

香帛授遣官齋往守土官潔婦享殿內外戒辦牲牢器物

備執事司祝司香司帛司爵以府州縣佐貳官充通贊以

教諭訓導引贊以學弟子員遣官既至及執事官齋其夕

宰人割牲於廚地方官州若縣一人公服眠宰瘞毛血如

儀祭日昧爽守土官入陳神位前牛一羊一豕一登一劍

二簋各二籩豆各十饗一鐙二設案於左陳禮神制帛

一色香盤一尊一爵三設案一於中少西供祝版設洗於

階東引贊二人俟於門贊明執事官豫入就位均朝服遣

官朝服至祭所引贊引自殿垣左門入詣東階下盥至階

中北面立通贊贊就位遣官就位贊就上香位引贊引遣

官升東階入殿左門詣香案前司香跪奉香引贊贊跪遣
官跪贊上香遣官上香畢興贊復位遣官仍降東階復位
贊跪叩興遣官行三跪九叩禮通贊贊行初獻禮司帛奉
篚跪獻於案三叩興司爵奉爵奠於正中各退贊讀祝引
贊贊跪遣官跪司祝至祝案前跪三叩奉祝版宣讀訖復
於案三叩興退贊叩興遣官三叩興通贊贊行亞獻禮司
爵奠爵於左贊行終獻禮司爵奠爵於右均如初儀引贊
贊跪叩興遣官行三跪九叩禮通贊贊奉祝帛送燎執事
各奉祝帛香山中道送燎如儀遣官避立拜位東俟過復
位引贊贊禮畢引遣官仍由殿垣左門出執事官皆退
直省所在帝王陵寢歲春秋仲月守土正官一人致祭執
事以禮生祭日用羊一豕一餘陳設及行禮儀節與慶典

遺官禮同

趙城縣志廟始建無考平陽府志唐天寶六年重修則天寶前已有廟也廟中舊塑女像袞冕執圭旁侍嬪卿乾隆十七年以太常卿金德瑛奏撤去之更設木主廟後有陵乾隆三年設陵戶二名

商湯王陵寢在榮河縣北四十里遺祭歲祀如制

榮河縣志隋制祀湯於汾陰唐遷偃師宋乾德四年詔置守陵五戶元癸未歲淪於汾河以石柩遷葬焉明正德元年太常少卿喬宇疏稱陵為河水所壞不存歷代皆於岸東近地設位而祭但屋宇卑隘地勢淺陋議得廟後有隙地三四畝可以建置殿宇從之

國朝乾隆二年發帑修理改建寢殿五間大門五間東西

庶各三間牲房門樓碑亭照壁備圍牆九十九步三年
添設陵戶二名歲給工食銀各六兩

北嶽恆山廟在渾源州南二十里遇大典遣官告祭歲春秋
仲月守土官致祭

通禮直省嶽鎮海濱逢

大慶典遣官分詣致祭豫期有司諏吉日禮部疏列文職二
品以下四品以上官銜名候

旨分遣承祭太常寺具禮神香祝

祝文翰林院
隨時撰擬

制帛各一

五鎮四海帛各隨其
方之色四積色用黑送禮部各加封題屆日太常寺官設

黃案於中和殿鑾儀衛設龍亭於禮部祠祭司官恭奉

祝文香帛於龍亭內校尉昇亭至午門前止祠祭司供

奉祝文香帛進至中和殿陳於黃案

皇帝御中和殿徧閱祝文香帛畢祠祭官以次奉出設龍亭

昇行至禮部禮部尙書轉授遣官

若不親閱祝文香帛陳於禮部尙書一人數

謹周既訖分授遣官

均詳帝王陵寢遣祭儀遣官至所祭地守土官

潔壇廟具牲牢器物備執事人遣官暨執事官齋祭日有

司供具陳設上香讀祝行三獻禮並同

春秋仲月守土官致祭儀並同帝王

陵寢

舊通志虞書傳冬祀幽都恆山貢兩伯之樂焉舞齊落

歌曰緜緜北魏太武帝太延元年春祀恆山建祠山上

置侍祠九十人宣武帝景明元年災唐開元元年封安

天王宋制立冬日祭北嶽於定州北嶽祠大中祥符四

年加號安天元聖帝又加上五嶽后號北曰靖明清官

祭告樂歌云仰止靈嶽鎮於朔方增崇懿號度越彝章

祇薦嘉樂式陳令芳永資純佑國祚蕃昌政和中親祭
北郊祀北嶽於壇第一龕紹興中望祭北嶽位樂歌瞻
彼芒芒曰北之常既高既厚迺紀迺綱薦鬯伊始靈祗
孔將元服鐵駕覽此下方元至元二十八年二月晉號
安天大貞元聖帝元統初揭傒斯奉旨祀北嶽明洪武
三年詔更號北嶽恆山之神

國朝初仍明制祀於直隸曲陽順治十七年二月刑科給
事中粘本盛奏請正北嶽祀典略云俗傳恆山之石飛
至正定曲陽縣遂移祀曲陽實爲荒唐不經夫辦方正
位渾源於四嶽爲正北曲陽稍在其南

國朝建都於燕曲陽在

神京之南渾源在

神京之北且其洞巖聳邃信神靈之所窟宅既稱北嶽而
禮祀弗及允爲缺典云云禮部議奏科臣疏誠有所見
隨奉

旨依議十八年以改祀遣官告祭由是靈山顯位克復厥舊
虞廷柴望於茲再舉實爲鉅典云

中鎮霍山廟在霍州東南六十里遣官告祭春秋歲祀儀與
恆嶽並同

舊通志虞書傳曰中祀太嶽霍山貢兩伯之樂焉夏伯
之樂舞謖或其歌聲比中謠名曰初慮義伯之樂無將
陽其歌聲比大謠名曰朱干前編云禹貢冀州自有太
岳今猶謂之霍太山則堯都冀州蓋以太岳爲中岳經
濟編隋制祀四鎮冀州鎮霍山按鄭康成注周禮四望

有五嶽四鎮四瀆後世祀典祇有五嶽四瀆而無四鎮至是始而又以霍山爲中鎮是爲五鎮唐貞觀四年立廟開元八年三月封應聖公開成二年勅令重修刑部尙書鄭瀚撰碑銘并序宋以土王日記霍山於晉州政和四年八月戊寅封四鎮山爲王紹興中祀中鎮位樂歌云禹畫九州河內曰冀霍山崇崇作鎮積勢我祀如何百昌旨味承神燕娛諸神畢至金大定十七年有司以殿宇傾毀具文申請遂賜錢一十三萬委官復新之每歲土極之日差顯官一員暨所屬備禮禋祀廟側有崇勝院特委僧一員歲主其事二十八年縣令仇守中撰重修廟記貞祐之亂河朔神祠無不灰燼而霍山廟獨在中書省左司郎中李植暨府官張仲良等重修劉

祁撰記元成宗大德二年二月加封巾鎮霍山爲崇德
應靈王勅有司歲時與嶽瀆同祀至元二年定祀典以
六月中嶽鎮土王日祀霍山於平陽府界歲祀銀香合
一銷金幡二鈔二百五十貫惟登寶位祭告加銀五十
兩中統鈔二百五十貫明洪武二年正月十五日改稱
巾鎮霍山之神遣楊瑩然齋金香合一具重十六斤以
三月初六日祀於祠下撰勅賜巾鎮記命有司春秋肅
祀每遇改元暨兵荒仍遣官祭告建文元年二月癸亥
鴻臚寺序班周敖國子監生袁綱奉命以香幣牲醴祭
告巾鎮勒文於碑永樂四年秋七月征安南遣官祭告
景泰元年遣吏科給事中喬毅致祭六年遣都察院右
僉都御史蕭祇致祭天順元年遣戶科右給事中李錫

致祭成化二十年遣禮部侍郎兼翰林院學士徐潛致祭正德六年遣山西布政使右參議夏景和致祭嘉靖十一年遣平陽府霍州知州王子謹致祭二十三年遣山西巡撫王崇祭告三十五年山西地震遣戶部左侍郎鄒守愚致祭四十年遣山西巡撫楊宗氣致祭西海神廟在蒲州府南門外遣祭歲祀並同嶽鎮

舊通志唐制祭西海神於同州天寶十載封西海神爲廣潤王宋以立秋日於河中府河濱廟望祭眞宗祀汾陰命陳堯叟祭西海車駕自潼關至河中親謁奠望祭壇康定元年加封通聖廣潤王元至元十二年勅封西海神廟於河中春秋致祭祭告儀帛一視河濱禮二十八年加封廣潤靈通王明洪武初祇稱西海之神

河瀆神廟在蒲州府南門外西海廟左禮儀並同

舊通志漢郊祀志自華以西名川四曰河祀臨晉師古
曰卽今之同州朝邑縣界加有常醪唐地理志開元十
五年自朝邑徙河瀆祠於河中府肅宗時屢著靈應封
靈源公中書令汾陽郡王郭子儀建廟王延昌撰記宋
以立秋日祀河瀆於河中府開寶九年七月丁亥命修
五嶽四瀆祠廟雍熙三年八月丁未雨不止遣使禱岳
瀆是夕雨止眞宗封禪畢詔進號顯聖靈源公遣右諫
議大夫薛映詣河中府祭告後車駕至潼關遣官祀河
瀆用太牢備三獻禮還至河中親詣奠河瀆廟天禧四
年從靈臺郎皇甫融請修河致祭增龍神及尾宿天江
天汜天社等諸星在天河內者凡五十位仁宗康定元

年加封顯聖靈源王二年三月以黃河水勢甚淺分流入汴未能通濟遣祭河瀆廟皇祐四年又以靈臺郡王大明言汴口祭河兼祀箕斗奎與東井天津天江咸池積水天淵天潢水位水府四瀆九頃天船王良羅堰等十七星在天河內者紹興中祀西瀆位樂歌云自彼崑虛於以潛流念茲誕澗豈侯不猶在昔中府暨海肆修迄既望止神保先貞宋金時已有廟元至元三年夏四月定祀典每歲立秋日祭大河於河中府界銀香合一重二十五兩織金幡二鈔二百三十貫惟登寶位遣官祭告加銀五十兩中統鈔二百五十貫至元二十八年春二月加封河瀆靈源宏濟王至正七年加封靈源神祐宏濟王明洪武初革前代封號祇稱大河之神

謹案會典凡

登極上

尊號加上

徽號

聖壽大慶及升祔

太廟均先期遣官致祭嶽鎮海濱前代帝王陵寢又凡

巡幸所至

親祭方岳未至之地特命忝撫就近遴選大員徧祭嶽鎮

海濱所過名山大川分遣筆帖式由京齋送祭文香

帛帝王陵寢均遣官致祭云云其祭文守土官皆敬

謹勒石廟中恭稽

列聖御極元年

今上元年均遣祭如制又順治八年康熙六年同治十年均

親政遣祭康熙二十一年平定三藩二十三年西巡二十七年

孝莊文皇后升祔禮成三十六年平定朔漠並西巡四十二年

巡幸山西是年及二十五年萬壽大慶五十八年

孝惠章皇后升祔禮成六十年以

御極周甲大慶雍正二年上

聖祖仁皇帝尊謚乾隆二年

世宗憲皇帝配享南郊並上

皇太后徽號十一年

巡幸五臺十五年以上

皇太后徽號十六年

皇太后萬壽大慶二十年平定伊犁二十四年回疆底定恭

上

皇太后徽號二十六年

皇太后萬壽大慶三十五年

萬壽大慶三十六年

皇太后萬壽大慶四十五年

萬壽大慶四十七年平定兩金川上

皇太后徽號五十年五十五年

萬壽大慶嘉慶五年

高宗純皇帝配享

南郊禮成十四年二十四年

萬壽大慶道光元年

仁宗睿皇帝配享

南郊禮成道光九年回疆耆定二十六年恭上

皇太后徽號咸豐二年

宣宗成皇帝配享

南郊禮成十年

萬壽大慶同治四年粵逆蕩平均遣祭如制又康熙三十五

年以早遣祀海濱四十二年

御書恆嶽區云化垂悠久中鎮區云秀峙寰中西海區云源

遠流長河濱區云砥柱河津雍正三年

救封海神爲西海正恆龍王之神河濱爲西濱潤毓大河之神並遣官祭告光緒三年以恆嶽禱雨有應

神書三農有慶區五年又頒朔野標奇區恭懸廟中

關聖大帝廟府廳州縣歲以春秋仲月致祭又五月十三日特祭祭時並祭三代其解州廟及祖墓亦同日祭

順治元年定祭禮歲以五月十三日遣官致祭九年

救封忠義神武大帝雍正三年封帝會祖爲光昭公祖爲裕昌公父爲成忠公製造神牌安奉後殿於五月致祭外增春秋二祭又以後裔之在洛陽者授爲五經博士世襲罔替四年以帝原籍山西解州後裔照洛陽世襲之例授爲五經博士七年定直省歲三祭皆用太牢乾隆二十五年易原諡爲神勇三十三年三月加忠義神武靈佑關聖大

帝封號四十一年又將四庫全書三國志內本傳原謚改

為忠義

以上見會典及通考

嘉慶十九年加仁勇二字封號道光八

年加威顯二字封號咸豐四年加封護國保民四字封號

升入中祀頒發祝文樂章舞用千戚餘儀並同文廟五年

加封三代曾祖光昭王祖裕昌王父成忠王同治光緒間

屢次加封為忠義神武靈佑仁勇威顯護國保民精誠綏

靖翊贊宣德關聖帝君祭儀致齋二日祭前一日有司飭

廟祝潔掃殿庭內外奉祝版眠割牲如壇祭儀備器陳牛

一羊一豕一登一鉶二簋各二遵豆各十

均黑

鑪一鑊

一帛一白香盤一尊一爵三牲陳於俎帛實於篚尊實酒

器勺具祭日五鼓承祭官朝服詣廟贊禮郎二人引由廟

左門入

武官由右門入

至階東盥手畢詣拜位前立陪祭官咸詣

拜位序立典儀贊樂舞生登歌執事官各其迺職舞六佾
進贊禮郎贊就位贊迎神贊舉迎神樂奏格平之章樂作
贊禮郎贊就上香位引承祭官升東階入殿左門就香案
前立贊上香司香跪奉香承祭官上炷香三上瓣香畢贊
復位引承祭官復位立贊跪叩與承祭官行三跪九叩禮
興樂止典儀贊奠帛爵行初獻禮奏翊平之章舞干戚之
舞有司揭尊幕勺挹酒實爵樂作贊禮郎引承祭官升東
階贊詣神位前贊跪承祭官跪行一叩禮司帛奉篚司爵
奉爵各進至神位前司帛跪奠篚於案三叩興司爵立獻
爵於案正中各退司祝詣祝案前跪三叩興奉祝版跪案
左樂暫止贊禮郎贊跪承祭官跪贊讀祝司祝讀祝祝文見後
讀畢興以祝版跪安於神案叩如初興退贊禮郎贊叩興

承祭官行三叩禮興典儀贊行亞獻禮奏恢平之章舞同
初獻樂作司爵獻爵於左如初獻儀典儀贊行終獻禮奏
靖平之章舞同亞獻樂作司爵獻爵於右如亞獻儀樂止
舞退典儀贊飲福受胙贊禮卽贊詣受福胙位引承祭官
至堂中拜位立奉福胙二人自東案奉福胙至神位前拱
舉接福胙二人自西案進豆於左贊禮卽贊跪承祭官跪
贊飲福酒右一人跪進福酒承祭官受爵拱舉以授於左
接以興次受胙如飲福之儀贊叩興承祭官三叩興贊復
位引承祭官退降階復位贊跪叩興承祭官陪祭官均行
三跪九叩禮典儀贊徹饌奏彝平之章樂作有司徹饌樂
止贊送神奏康平之章樂作贊禮卽贊跪叩興承祭官陪
祭官均行三跪九叩禮興樂止典儀贊奉祝帛饌送燎有

司奉祝帛香饌以次送燎如儀承祭官避立拜位西旁俟
 過復位樂作贊望燎贊禮郎引承祭官詣燎位望燎禮畢
 樂止承祭官及執事官皆退同日祭後殿正中奉三代神
 位南向位各異案每案羊一豕一釧二簠簋各二邊豆各
 八鑪一鐙二殿中設案少西北向供祝版東西各設一案
 分陳禮神制帛三香盤三爵九尊三俎篚幕勺具設洗於
 後垣門內甬道東承祭官位殿檐下正中司祝司香司帛
 司爵典儀常燎各以其職為位如常儀承祭官由前左門
 入後垣中門盥手畢升階就位迎神引詣正位前上香畢
 以次詣左右位前上香復位行三跪九叩禮初獻讀祝如
 儀凡儀節均與前殿同

以上據通禮及檔冊下同

春秋二祭祝文惟神星日英靈乾坤正氣允文允武紹聖

學於千秋至大至剛顯神威於六合仰聲靈之赫濯崇祀
興於馨香茲當仲春用昭時享惟祈昭格克鑒精誠尙饗
五月十三日祝文惟神九宇承麻兩儀合撰崧生嶽降湖
誕聖之靈辰日午天中屆恢臺之令序聰明正直一者也
千秋徵胙蠻之隆盛德大業至矣哉六幕肅馨香之薦爰
循懋典式展明禋苾芬時陳精誠鑒格尙饗

後殿春秋二祭祝文惟王世澤尊庥令儀裕後靈鍾河嶽
篤生神武之英誠溯淵源宜切尊崇之報班爵超躬桓而
上馨香肅俎豆之陳茲際仲春爰修祀事尙祈昭鑒式此
苾芬尙饗

五月十三日告祭祝文惟王迪德成家累仁昌後崧生嶽
降欽毓聖之有基本本水源宜推恩之及遠封爵特超於

五等馨香蒸薦於千秋際仲夏之屆時命禮官而將祀惟

祈昭格鑒此精誠尙饗

樂譜春祭夾鐘為宮應鐘起調工尺字秋祭南呂為宮仲

呂起調工尺字迎神格平之章工尺字鏗工尺字鏘工尺字今工尺字焜工尺字

神工尺字威工尺字靈工尺字兮工尺字赫工尺字八工尺字方工尺字偉工尺字烈工尺字昭工尺字兮工尺字

累工尺字禩工尺字祀工尺字事工尺字明工尺字兮工尺字永工尺字光工尺字達工尺字精工尺字誠工尺字

兮工尺字黍工尺字稷工尺字馨工尺字香工尺字儼工尺字如工尺字在工尺字兮工尺字洋工尺字洋工尺字

初獻翊平之章英工尺字風工尺字颯工尺字兮工尺字神工尺字格工尺字思工尺字

紛工尺字縹工尺字蓋工尺字兮工尺字龍工尺字旂工尺字對工尺字桂工尺字醕工尺字兮工尺字盈工尺字

卮工尺字香工尺字始工尺字升工尺字兮工尺字明工尺字柔工尺字惟工尺字降工尺字鑿工尺字兮工尺字

在工尺字茲工尺字流工尺字景工尺字胙工尺字兮工尺字胡工尺字昌工尺字時工尺字亞工尺字獻工尺字核工尺字

平之章觴工尺字再工尺字酌工尺字兮工尺字告工尺字虔工尺字舞工尺字千工尺字威工尺字兮工尺字

什 合 什 宮 什 懸 什 歌 什 苾 什 芬 什 兮 什 潔 什 濁 什 扇 什 麴

伏 顯 伏 翼 伏 兮 伏 神 伏 功 伏 宜 伏 終 賦 靖 平 之 章 鬱 伏 伏

自 伏 兮 伏 三 伏 申 伏 羅 伏 蓬 伏 益 伏 兮 伏 畢 伏 陳 伏 儀 伏 伏

卒 伏 度 伏 兮 伏 肅 伏 明 伏 禮 伏 神 伏 降 伏 福 伏 兮 伏 宜 伏 伏

民 伏 宜 伏 人 伏 徹 饌 彝 平 之 章 物 伏 惟 伏 備 伏 兮 伏 咸 伏 伏

伏 有 伏 明 伏 德 伏 惟 伏 馨 伏 兮 伏 神 伏 其 伏 受 伏 告 伏 徹 伏 伏

伏 兮 伏 禮 伏 終 伏 罔 伏 咎 伏 佑 伏 我 伏 家 伏 邦 伏 兮 伏 孔 伏 伏

化 厚 伏 送 神 望 燎 康 平 之 章 幢 伏 葆 伏 歲 伏 蕤 伏 兮 伏 伏

神 伏 益 伏 歸 伏 馭 伏 風 伏 軫 伏 兮 伏 驂 伏 蚪 伏 騂 伏 降 伏 伏

德 伏 治 伏 明 伏 威 伏 其 伏 一 伏 蒸 伏 蒿 伏 烈 伏 兮 伏 療 伏 有 伏 伏

神 伏 光 伏 遙 伏 矚 伏 兮 伏 祥 伏 雲 伏 罪 伏 祭 伏 受 伏 伏

伏 伏

福仇分仇茂仇典仇無仇違仇廣仇揚仇駿仇烈仇兮仇伍仇

永仇奠仇疆仇畿仇其二仇

文昌帝君廟府廳州縣歲以春秋仲月致祭又二月初三日

特祭同日並祭後殿三代儀同關帝

春秋祭文惟神道闡苞符性敦孝友並行並育德侔天地

以同流乃聖乃神教炳星日而大顯仰鑒觀之有赫示明

德之維馨茲當仲春周昭時享惟祈歆格克鑒精虔尙饗

二月初三日祭文惟神功參稟簡撰合乾坤湖誕降之靈

辰三台紀瑞慶中和之令節九宇承暉若日月之有光明

闡大文於孝友如天地無不覆載感至治於馨香爰舉上

儀敬陳芳薦精誠罔斁神鑒式臨尙饗

後熙祭文惟文昌帝君道備中和神超亭毒稟貽謀而允

紹欽毓聖之有基雲漢昭回際嶽降松生之會馨香感格
興水源木木之思式肇明禋用光彝典尙祈神鑒享此清
芬尙饗

樂章春夾鐘清均倍應鐘起調字注秋南呂清均仲呂起

調石字注迎神丕平之章乘宮角氣商角兮羽角靈宮角

躡商羽仕角翊商角文羽角運宮角兮商羽赫宮角中羽角天

商羽仕角蜺羽角旌商角兮羽角戾商角止羽角雕羽角俎商羽

凡商兮宮角告宮角虔商角迓商角神羽角麻商角兮宮角俎商羽

於商萬羽角斯商角年宮角初獻倅平之章神宮角

之商來宮角兮羽角遊宮角簋商角式商角陳羽角神

徵宮之商羽格宮角兮羽角凡商角筵羽角式宮角親宮角

伍商極商角昭宮角彰商羽兮宮角豐商角貺羽角致商角

纘	億	仇	宮	徵	禮	景	仕	羽	角	之	仕	仇	仕	宮	徵	調
羽	神	羽	伊	伍	角	商	仕	伍	伍	宮	人	伍	宮	伊	伍	羽
仕	羽	仕	終	羽	成	羽	伍	儼	光	伍	徵	商	億	徵	潔	
宮	功	宮	仇	仕	徵	伍	羽	伍	羽	仕	角	商	角	始	伍	
尺	欽	尺	徵	商	三	兮	仕	羽	申	尺	伍	燦	仕	羽	兮	
商	羽	尺	伍	億	羽	羽	伍	兮	尺	尺	角	羽	亞	仕	羽	
尺	明	尺	羽	徵	獻	羽	伍	齊	虞	尺	燭	尺	獻	角	明	
宮	徵	尺	伍	商	伍	億	羽	羽	羽	伍	徵	燭	燭	尺	商	
尺	德	尺	億	仇	兮	長	羽	羽	兮	尺	禱	羽	燭	羽	億	
角	宮	尺	伍	宮	羽	角	尺	羽	羽	尺	羽	兮	燭	羽	羽	
尺	兮	尺	伍	商	伍	羽	尺	帝	兮	尺	羽	兮	燭	羽	羽	
商	羽	尺	羽	伍	商	羽	尺	羽	羽	尺	羽	兮	燭	羽	羽	
尺	昭	尺	羽	宮	伍	奏	羽	將	羽	尺	庭	羽	燭	羽	羽	
宮	商	尺	伍	尺	羽	角	羽	羽	羽	尺	商	羽	燭	羽	羽	
尺	察	尺	伍	商	伍	平	羽	綏	羽	尺	燭	羽	燭	羽	羽	
宮	億	尺	商	伍	三	章	羽	章	羽	尺	燭	羽	燭	羽	羽	

億	羽	角	繼	商	羽	企	仄	匠	宮	徵	商	商	茲	億	羽	羽	羽	羽	羽
成	止	燭	化	福	丹	天	所	風	風	風	熙	羽	羽	儀	止	惟	真	真	真
羽	角	宮	降	羽	角	羽	仕	羽	羽	羽	角	角	角	羽	角	宮	宮	宮	宮
仕	宮	宮	宮	仕	角	仕	仕	仕	仕	仕	仕	仕	仕	仕	仕	仕	仕	仕	仕
者	宮	兮	兮	我	霄	遙	招	送	送	送	送	送	送	鴻	悅	告	告	告	告
角	宮	羽	羽	商	羽	羽	羽	羽	羽	羽	羽	羽	羽	羽	羽	羽	羽	羽	羽
仕	宮	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕
定	羽	梓	元	朝	願	贈	聘	神	神	神	神	神	神	佑	懼	徹	徹	徹	徹
商	仕	商	宮	宮	宮	宮	宮	宮	宮	宮	宮	宮	宮	宮	宮	宮	宮	宮	宮
仕	宮	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕
兮	宮	釐	氣	望	迴	迴	翠	之	之	之	之	之	之	兮	兮	兮	兮	兮	兮
宮	宮	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽
仕	宮	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕
藥	商	之	和	蔚	靈	靈	葆	歸	歸	歸	歸	歸	歸	果	璧	終	終	終	終
商	宮	宮	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽
億	羽	阿	神	章	章	章	章	章	章	章	章	章	章	果	璧	終	終	終	終
羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽	羽
仕	羽	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕
戟	仕	化	光	光	光	光	光	光	光	光	光	光	光	光	光	光	光	光	光
宮	宮	宮	宮	宮	宮	宮	宮	宮	宮	宮	宮	宮	宮	宮	宮	宮	宮	宮	宮
仕	宮	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕	仕

戈羽仕文羽仕治徵伍光宮伏兮羽仕受商伏福羽仕則

商伏那宮伏

舊通志史記天官書斗魁戴籩六星一上將二次將三

貴相四司命五司中六司祿為天之六府掌人間祿籍

故學校多祀之倪岳正祀典疏云神姓張諱亞子其先

越雋人西晉丁未二月三日生蚤得異人大洞訣疑真

於蜀之梓潼山九曲溪上因報母仇徙居劍州之七曲

山仕晉職歿立廟祀之唐明皇幸蜀追封左丞僖宗入

蜀封濟順王宋咸平中改封英顯王宋志立冬後亥日

祀司中司命司人司祿元加號輔元開化文昌司祿宏

仁帝君案陸清獻李文貞並謂周禮有祀司中司命之

宮無下祀者大興朱文正公始疏請列祀典禮儀視關

聖成豐六年升入中祀頒祭文樂章並同闕廟惟舞用

齋刊

右中祀

伏羲廟一在洪洞縣一在吉州

舊通志伏羲廟在洪洞縣東南五十里卦底村元大德十年建廟後有冢東有畫卦臺相傳爲畫卦處又吉州庖山巔有廟相傳伏羲爲人祖故此山亦名人禱山有舊碑傳爲伏羲氏故宮

神農廟一在高平縣一在長治縣

舊通志高平縣廟三一在羊頭山曰上廟爲嘗五穀處一在換馬鎮東南曰中廟有遺冢有司春秋致祭一在東關曰下廟近改祭於此又長治縣東北十里百谷山世傳神農嘗百草於此一云神農至山得五穀後人因

立廟祀焉廟像甚古北齊時重建又隰州東三十里合
桑村有嘗穀臺俗以六月六日祀

黃帝廟一在陽曲縣一在曲沃縣

舊通志陽曲縣軒轅廟三一在坂泉山一在布政司小
巷南一在南關坂泉在縣東八十里廟於明洪武四年
改稱坂泉神祠歲四月十七日校官致祭曲沃縣廟三
一在喬山中峰後周顯德時建今燬石柱鐵瓦猶存遇
旱禱者有片雲止檐際輒雨史記黃帝葬喬山皇覽曰
喬山在上郡或曰茲山蓋葬帝之衣冠巴陵楊一清有
詩一在城本濟瀆廟後人於廟西鑿井得古碑大書黃
帝廟三字其陰爲黃帝贊因改祀焉井在今天池內北
對學宮一名研池一在蒙城鎮明建制極壯麗

帝堯陵廟在臨汾縣

舊通志北魏紀太和十六年詔曰帝堯則天之功興魏

巍之治可祀於平陽令牧守攝行祀事

魏土地記平陽城東十里汾水

東原上有堯神屋石碑今廟在城南八里舊址在汾西晉元康中建汾東唐顯慶三年移建於此案故平陽城在縣西二齊天保元年六月辛巳詔堯祠舜廟下及孔

父老君等載於祀典者咸秩無遺隋制祀堯於平陽以

契配唐開元禮祝版文曰皇帝謹遣具官某敢告於帝

陶唐氏惟帝則天光被四表式遵祀典敬以制帛犧齊

粢盛庶品祇薦於帝配坐云敢昭告於唐司徒惟公敬

敷五教宏贊彝倫率由舊章配享於帝陶唐氏敬以制

幣云云天寶六載以義仲和叔配宋乾德元年詔以稷

契配每三年仲春月行享牲用太牢開寶九年七月命

修前代帝王祠廟咸平元年十一月詔葺歷代帝王陵廟金皇統三年重修高平郡范彙撰記元至元二十四年閏二月勅春秋二仲丙日祀帝堯廟又至元間道士姜善信募修詔賜額曰光澤之宮殿曰文思門曰賓穆賜白金二百兩良田十五頃爲贍宮香火費翰林直講學士王磐奉勅撰記明正統閒左布政石璞議修堯廟一夕大風拔木積廟前皆梁棟材見崔銑石璞墓誌又知府萬觀重修正德閒巡按周倫中顏廣運殿祀堯右重華殿祀舜左文命殿祀禹名三聖廟後爲光天閣後丹朱廟左爲娥皇女英廟東爲三聖考廟擴地七百畝有奇廡楹數百閒春秋致祭

國朝康熙三十四年地震傾塌奉

旨發帑命工部員外郎倭倫建修頒發

御書扁堯殿曰光被四表舜殿曰濬哲文明禹殿曰萬世永

賴堯陵在縣東七十里乾隆三年設陵戶一名又清源堯城鎮舊

傳唐堯造秣之所浮山東八里堯山相傳堯嘗避暑其

山長子縣潛山平遙北門外高邱並有廟

舜廟在永濟縣

舊通志魏景初元年冬十月詔曰曹氏系世出自有虞

今祀園邱以始祖帝舜配方邱以舜妃伊氏配宋魏侍中高堂

隆論郊祀事以魏為舜後推舜配天蔣濟以為舜本姓

焉其苗曰田非曹之先著文以追詰隆其後北魏祀舜

於廣甯隋祀帝舜於河東以皋陶配唐開元禮祝版文曰

敢昭告於有虞氏惟帝道光七政績宣五典式遵故實

敬以制幣云云配坐云敢昭告於皋陶氏惟神爰定五

刑載敷九德率由舊章云云宋乾德元年詔河中府舜廟以皋陶配每三年仲春月行享牲用太牢大中祥符四年祭后土祭前七日遣官祀河中府舜廟駕次河中命本府修飾牆垣親作贊記之改舜泉坊為廣孝坊命王欽若撰記詔復建廟於舜泉側即今廟也元致和元年禮部移太常送博士議舜禹之廟合依堯祠故事每歲春秋仲月上旬卜日有司蠲潔致祭官給祭物明命有司春秋致祭又城南二十里歷山媯汭泉側亦有舜祠又安邑鳴條岡夏縣姚村並有廟垣曲瞽家村舜廟舊志云縣北四十里為諸馮山浚井在焉北為歷山土人名舜王坪東有大阜為瞽墓

案其地乃北史之鼓鐘鎮附會為瞽冢也

禹廟在夏縣

舊通志在縣西十里禹王城城中有青臺世傳禹治水八年塗山氏望思之地也後人於臺建廟魏太和十六年詔曰夏禹禦洪水之災建天下之利可祀於安邑用清酌尸祭隋制以伯益配唐開元禮祝版文曰惟某年月日皇帝謹遣具官某敢昭告於夏王禹惟王克平九土功施萬代式遵故實云云配坐敢昭告於伯益氏惟公贊敷下土克蕃庶物率由舊章配享於夏王禹云云天寶七年詔夏王禹都安邑置一廟享祭仍取當時將相德業可稱者二人以虞伯益秩宗伯夷配咸通九年縣令李備修傳單撰記後漢乾佑元年重修原州司馬楊榮祚撰記宋初三年一享乾德元年詔仍以伯益配有司每三歲仲春月行享牲用太牢崇甯四年詔於中

太一宮南作寶成宮中置殿曰神靈祀黃帝東廡殿曰
成功祀夏后氏禮用中祀幣用白仲春之牲用太牢官
造祭器元致和元年舜禹廟並依堯祠故事歲春秋仲
月上旬卜日有司吉蠲致祭官給祭物至正十四年重
葺祠宇學士歐陽原功撰記有贍廟田八十畝明正德
十年重修呂柟記嘉靖九年縣令鍾恕以啟少康配享
三十四年地震止存正殿遺像後縣令李遐齡李溥增
修青臺舊土基砌以磚石增高十有三仞臺上建殿六
楹以棲禹像遵舊制也萬曆十九年縣令高奎重葺復
清丈贍廟地一頃一十九畝

國朝康熙四十五年縣令蔣起龍重修歲三月二十二日
有司致祭平陸縣神禹廟在縣東五十里三門山上唐

天寶開鄉人梁友仁建元至正閒增修明景泰時縣令李榮重修嘉靖三十二年更定祭儀歲三月十日有司致祭河津縣大禹廟在縣西北二十五里龍門東山巖上元至元初道士姜善信奉勅七月廟成賜名建極宮命侍臣特致祭有祝文廟最古詳見古蹟考又吉州龍王延保德州天橋峽並有廟歲以三月十八日致祭

夏少康廟在河津縣

舊通志在縣西北四十里雙峰山下西磴村

商湯廟在陽城縣又聞喜垣曲並有祠

舊通志縣西南七十五里相傳成湯禱雨於此有二泉亢旱不竭與濟瀆通宋熙甯九年河東路旱遣通判王伾禱雨獲應奏封析城山爲誠應侯政和六年詔題殷

湯廟額爲廣淵晉封山神爲嘉澗公勅書勒壁宣和七年重葺合嘉澗公祠凡二百餘楹金時廟存九楹燼於火民間卽行祠祭之元元帥延陵珍重修李俊民撰記後陝西副使石鳳臺邵武知府原體蒙建祠山上白允謙撰記又城內外廟三一曰東廟在立平坊一曰西廟在懷古坊一曰南廟在縣東南二里又桑林河南一廟前有豬水旱禱多應又聞喜南六十里湯山垣曲西五十里下亳城並有廟

漢高祖廟在永甯州及石樓縣

舊通志距永甯一百十里漢高山舊傳高祖大破林胡於晉陽追至離石復破之後人立廟下有仙姑墓或以爲從行宮人又一廟在石樓西團圓山頂

漢文帝廟在太原府

舊通志廟在城東北文帝三年五月幸太原見故羣臣
舉功行賞諸民里賜牛酒復晉陽中都民三歲租留遊
太原十餘日故後人廟祠之又文水賢馬都待賢都並
有祠五臺南十里南神山相傳帝爲代王時獵此山廟
於宋時重修進士孫儼記歲三月三日土人結社祀之
又翼城感軍村相傳帝訪河上翁奉薄太后至此亦有
廟

魏孝文帝廟在交城縣又文水興縣永甯屯留襄垣靜樂各
州縣並有祠

舊通志在交城西北曲里村相傳孝文曾避暑萬根谷
明一統志元魏道武帝牧地在孝文山孝文魏賢君後

人思其德故立廟永甯州志孝文山在州東北百四十里廟有碑長丈餘廣五尺剝蝕不可讀舊傳孝文居馮太后喪避茲山不食者三日羣臣固請還宮因以名山又文水北崖底村靜樂南馬頭山並有祠襄垣縣北五音山縣西獅山志云孝文自代遷洛往來駐蹕於此後人立廟屯留西南九嶷山有廟宋宣和五年賜額英濟元至正三年修

唐太宗廟在霍州

舊通志在杜莊村又州城東北有先鋒臺州東三十里有神指土徑橋又太谷北五里上善村元至正十三年以三公祠改建臨汾東十五里有廟明正統年修鄉甯南馬壁峪介休東南崇賢村及温村屯留河北及司徒村並有祠長子東南古城故址俗名高廟元至正六年有蝗土人以帝嘗吞蝗立祠禱焉明萬曆五年

國朝順治三年胥重葺歲四月八日有司致祭

唐元宗廟在長治縣

舊通志廟在西火鎮明皇爲潞州別駕時出獵遇郝處士洽於此又屯留東南二十五里有廟元延佑五年重建

謹案會典歲祀伏羲氏於河南淮甯縣神農氏於湖南鄱縣軒轅氏於陝西中部縣陶唐氏於山東濮州有虞氏於河南甯遠縣夏禹王於浙江會稽縣漢高祖於陝西咸甯縣漢文帝於長安縣魏孝文於富平縣唐太宗於醴泉縣皆因陵寢所在也而特建歷代帝王廟於都城上自伏羲下逮有明凡一百四十三位其聖帝明王直省建有專祠別寢者仍令有司歲

時修祀山右為唐虞夏故都三皇五帝之祠所在多

有其後如漢之文帝唐之太宗明皇皆發祥此地各

有代王祠皆文帝秦王祠皆太宗也其而北魏嘗建

都大同孝文一代賢君太原以北祠宇尤多稽舊志

採其廟之見存者並著於篇

案北魏諸帝於乾隆四十九年入祀帝王廟舊志臨汾有道武廟潭源有文成廟及大同之

后稷廟在稷山縣

舊通志漢書高祖二年制詔天下立靈星祠常以歲時

祀以牛注后稷祠而謂之靈星者以稷配靈星宋蜡祭

東方設大明位西方設夜明位以神農氏后稷氏配

位以北為上南北壇設神農位以后稷配稷山縣南有

稷神山土人名稷王山相傳為后稷教稼地又下迪村

有稷王城今稷廟有二一在稷神山頂東南有塔刻后稷明堂四字元至正間道士李自貞重建明隆慶元年縣令孫信修王時濟記一在縣治西南元至正五年建廟後有聖母姜嫄祠段循記明宏治十年重修東西壁繪農功王業圖萬曆三十四年建寢宮天啟間重修植栢數十株

謹案會典社稷先農皆有壇祀無廟祭民非土穀不生故其義通乎天下直省府州縣均得立壇並祀然惟太社太稷以后土句龍氏及后稷氏配府州縣雖同爲大祀而無配享之文后稷之祀蓋統於先農也稷山爲誕降之地有廟最古鄉俗賽享亦禮所不廢者也若后土之祠肇於方澤非郡縣所得祀者俗又

爲女像愈失之褻會典凡有興作先祀司土之神直
省從同亦壇而非廟也故於帝王後次以稷祠而汾
陰之廟別入古蹟

風神廟在太原府小五臺風伯雨師廟在萬泉縣一在芮城
縣

舊通志萬泉孤山柏村峯之巔下有崑崙臺相傳漢建
武九年光武登臺致祭因封風伯雨師之神金太和七
年重修元大德壬寅地震廟獨完鄉民擴而大之至大
二年成毛鐸撰記

國朝康熙十六年重修芮城風雨二王廟在東北八里後
周廣順元年辛亥守神祠張德重修廊宇共三十四楹
周七十七步宋大中祥符六年有石記題曰陝府芮城

縣風雨二王廟重修立石王舜民曰廟在古魏城東北
數十步高岡上舊傳漢唐前建歲二月二日縣官親祭
祈禱輒應又五臺縣南八里寶峯山有雨師廟縣北三
十里有風伯廟北齊武平元年建翼城風雨廟二一在
四望村一在東王里外岢嵐東南風后山壺關東北王
嶺風穴天鎮西南風神山陽城西北小崦山沁源東十
里朱鶴嶺靜樂西五里黑風山山側一竅秋冬出黑風
歲三月十八日有司致
祀或旱雩爲虛禱於夏縣南柏塔山安邑南中條山風
祠而封其竅風尋止
洞並有廟祀風伯宋崇甯四年封靈
風神爲薦寶侯

雷公廟在大同府

舊通志在府西雷公山西郭外十里有潤濟侯廟

謹案會典雲雨風雷舊惟壇祀雍正七年建專祠於

都城風神爲應時顯佑風伯之神廟曰宣仁廟立春
後丑日致祭雲師爲順時普蔭雲師之神廟曰凝和
廟秋分後三日致祭雷師爲資生發育雷師之神廟
曰昭顯廟立夏後申日致祭直省仍合祀於神祇壇
今會城惟立風神廟於小舊志所列專祠頗多擇其
五臺時祀並湖望行香
最古者附著於此

右中祀之見於舊志者